

**Ed.**

**212. Frumvarp**

til laga um kirkjur.

(Eftir 3. umr. í Nd.).

*I. Almenn ákvæði.*

**1. gr.**

Kirkjur, bænhús og grafreitir eru friðhelgir staðir og má ekkert þar fram fara, er raski helgi þeirra.

**2. gr.**

1. Prófasti ber að hafa gætur á, að kirkjur og bænhús séu jafnan í sómasamlegu ástandi, bæði að viðhaldi og umgengni. Þyki honum misbrestur

á í þessum efnum, ber honum að vekja athygli þeirra, er hlut eiga að máli, á því, sem honum þykir ábótavant, og að þörf sé endurbóta.

2. Nú ákveður söfnuður að endurbyggja kirkju, og skal þá dóms- og kirkju-málaráðuneytinu skylt, ef þess er óskað, að fela húsameistara ríkisins eða öðrum hæfum manni að láta í té nauðsynlegar upplýsingar og leiðbeiningar, er hér að lúta, m. a. uppdrætti að nýjum kirkjubyggingum og endurbót kirkna.

### 3. gr.

Nú þykir prófasti ekki farið eftir tillögum sínum um hirðingu kirkju, umgengni eða viðhald, svo að fullnægjandi sé, og getur hann þá skotið málinu undir úrskurð biskups, og ber að hlita fyrir mælum hans í þessu efni.

### 4. gr.

Skyt er að setja hæfileg hitunartæki, að dómi biskups, í hverja kirkju. Þó getur ráðherra veitt undanþágu frá þessu, ef sérstaklega stendur á. Skal reykháf og hitunartækjum svo fyrir komið, að eigi sé óprýði að.

Skyt er að vát tryggja kirkjur gegn eldsvoða í einhverju því brunabótafélagi, er ráðherra tekur gilt.

### 5. gr.

Rétt er sóknarpresti að banna hverja þá notkun kirkju, sem ekki er samboðin helgi hennar sem guðsþjónustuhúss kristins safnaðar. Skal því jafnan leita leyfis sóknarprests til notkunar kirkjunnar, enda ber hann ábyrgð á, að ekki sé gagnstætt fyrir mælum æðri stjórnarvalda, almennu velsæmi og allsherjarreglu.

### 6. gr.

Bannað er að halda fundi um almenn ágreiningsmál í kirkju, önnur en þau, er varða málefni kirkjunnar eða safnaðarins.

### 7. gr.

Óheimilt er að nota kirkju til geymslu, nema með leyfi prófasts, og varðar brot gegn þessu sektum.

## II. Safnaðarkirkjur.

### 8. gr.

Safnaðarkirkja er sjálfseignarstofnun í umsjón og ábyrgð safnaðar, undir yfirstjórn biskups og ráðherra.

### 9. gr.

Sóknarnefnd hefir á hendi umsjón og fjárhald safnaðarkirkju. Skal hún fyrir hönd safnaðar rækja allar þær skyldur, er hvílt hafa á eigendum og forráðamönnum kirkna, að því er tekur til viðhalds og hirðingar. Ber hún f. h. safnaðar ábyrgð á, að gætt sé tilhlýðilegrar smekkvísi og

umönnunar um allt, er kirkju og grafreit varðar. Og ber henni að hlíta úrskurðum prófasts, biskups og ráðherra í því efni, skv. almennum ákvæðum I. kafla.

#### 10. gr.

1. Sóknarnefnd annast innheimtu á tekjum kirkjunnar og kemur sjóðeign hennar á vöxtu í Hinum almenna kirkjusjóði. Annast hún reikningshald og fjárreiður kirkjunnar, og skal jafnan senda prófasti reikning yfir tekjur og gjöld hennar á liðnu ári, eigi síðar en í aprilmánuði ár hvert. Sóknarnefndarmenn rita allir nafn sitt á reikninginn, enda bera þeir, einn fyrir alla og allir fyrir einn, ábyrgð kirkjufjónna.
2. Fyrir ómak sitt fær sóknarnefnd 6% í innheimtulaun af lögboðnum árstekjum kirkjunnar.
3. Þar, sem lögreglustjóri er í sókninni, skal honum skylt að taka að sér innheimtuna, gegn 6% innheimtulaunum, ef sóknarnefnd óskar.

#### 11. gr.

Skylt er söfnuði að taka að sér til umsjónar og fjárhalds hverja þá léns- eða bændakirkju, er eigandi eða lénsdrottinn óskar, með þeim skilmálum, er segir í 15. gr., og til kemur samþykki ráðherra að því er bændakirkjur snertir.

#### 12. gr.

1. Þegar kirkja er afhent söfnuði, skal prófastur með 2 óvilhöllum, byggingafróðum mönnum gera nákvæma úttekt á kirkjunni, eigum hennar, áhöldum og gripum. Skulu úttektarmenn meta sanngjarnt álag á kirkjuna og gripa hennar og áhöld.
2. Álag skal miða bæði við fyrningu hússins og byggingarkostnað á hverjum tína, þar sem kirkja er eigi að stærð við hæfi sóknarinnar.
3. Eigandi eða lénsdrottinn greiðir álagið i hendur sóknarnefndar, er tekur við kirkjunni og fé hennar fyrir hönd safnaðarins.
4. Skjóta má úttekt kirkju til yfirúttektar, og skal þá að minnsta kosti helmingur yfirúttektarmanna skipaður byggingafróðum mönnum.
5. Heimilt er sóknarnefnd að taka við kirkju án þess að regluleg úttekt fari fram, ef samþykki biskups kemur til og héraðsprófastur stjórnar afhendingu kirkjunnar.

#### 13. gr.

Kirkju má því aðeins flytja úr stað, að  $\frac{3}{4}$  hlutar atkvæðisbærra safnaðarmanna hafi samþykkt færsluna.

#### 14. gr.

Nú er kirkja reist þar, er kirkja hefir eigi verið áður, og getur þá ráðherra úrskurðað, að bæjar- eða sveitarfélag það, er í hlut á, leggi til ókeypis hentuga lóð undir kirkjuna ásamt hæfilegu svæði umhverfis, ef þess er krafizt. Þar, sem skipulagsnefnd hefir eigi ákveðið kirkjustæði, skal kirkja sett þar, sem prófastur ákveður, í samráði við sóknarnefnd og húsameistara ríkis-

ins, eða annan byggingarfróðan mann, er ráðherra kveður til. Skjóta má úrskurði prófasts til ráðherra.

### III. Bændakirkjur og lénskirkjur.

#### 15. gr.

Skylt er ábúanda lénskirkjujarðar að hafa umsjón lénskirkju og fjárhald, nema prófastur feli öðrum.

Skylt er sóknarnefnd að annast innheimtu á tekjum lénskirkju og bændakirkju gegn 6% innheimtulaunum, ef þess er krafizt.

#### 16. gr.

Eigendum bændakirkna og lénsdrottnum lénskirkna er skylt að hlíta almennum ákvæðum um endurbyggingu kirkna, hirðingu, hitun og viðhald.

#### 17. gr.

1. Nú setur kirkjueigandi eða lénsdrottinn ofn eða önnur jafngóð hitunartæki í kirkju sína, er honum þá heimilt að jafna hálfum stofnkostnaðinum á sóknarmenn sem hundraðsgjaldi af útsvörum þeirra, enda hafi kostnaðarreikningur verið endurskoðaður af sóknarnefnd og úrskurðaður af prófasti.
2. Nú er í sókn meira en eitt sveitar- eða bæjarfélag, og skal þá fyrst skipta gjaldinu niður á þau eftir tölu safnaðarmanna innan hvers þeirra. Eigandi eða forráðamaður annast innheimtu gjaldsins.
3. Heimilt er kirkjueiganda eða forráðamanni að jafna niður árlegum eldsneytiskostnaði og brunabótaiðgjaldi á sama hátt. Eindagi á gjöldum þessum er 5 vikum eftir að þau eru auglýst.

#### 18. gr.

Nú hefir eigandi bændakirkju vanrækt hirðingu, viðhald eða endurbyggingu kirkju sinnar, þrátt fyrir itrekaðar áminningar prófasts og samþykkt safnaðarfundar, eða eigi hlýtt almennum ákvæðum I. kafla laga þessara, að því er eigi tekur til safnaðarkirkna sérstaklega, og er þá kirkjustjórninni skylt að höfða þegar í stað mál á hendur kirkjueiganda, til þess að fá hann dæmdan til þess, að viðlögðum dagsektum, að bæta úr göllunum eða endurbyggja kirkjuna.

### IV. Önnur ákvæði.

#### 19. gr.

Verksvið kirkjunefndar er að vinna að því, ásamt sóknarnefndinni, að glæða hlýjan hug manna til kirkju sinnar og gangast fyrir frjálsum samtökum um að auka fegurð hennar og prýði með góðum gripum og á hvern þann veg, er bezt þykir við eiga.

Sóknarnefnd skal og gangast fyrir að útvega kirkju sinni fagra altaris-  
töflu og gott hljóðfæri og altarisbúnað, þar sem einhverju þessu er áfátt.

**20. gr.**

Menningarsjóður skal veita verðlaun fyrir fegurstu altaristöflur eftir ís-  
lenzka listamenn. Skal dómnefnd skipuð biskupi, eða manni, er hann nefnir til,  
og 2 mönnum, er menntamálaráðið skipar. Menntamálaráðið styrkir síðan sókn-  
arnefndir til kaupa á altaristöflum þeim, er verðlaun hafa hlotið, með tillagi úr  
Menningarsjóði, er nemi allt að helmingi verðs.

**21. gr.**

Kirkjumálaráðuneytið annast um að gerðir verði, svo oft sem þurfa þykir,  
fyrirmyndar uppdrættir að kirkjum og kirkjugörðum, er bezt þykja eiga við  
íslenska staðhætti, og útbýtir þeim meðal sóknarnefnda landsins. Skulu fylgja  
þeim stuttar skýringar og kostnaðaráætlun.

Útgáfu uppdrátta þessara kostar Menningarsjóður.

**22. gr.**

Rétt er að geyma hverskonar kirkjuforngrip: í kirkjum þeim, er þá  
hafa átt, ef þær eru svo vandaðar, að dómi biskups og fornmenjavarðar,  
að tryggt megi teljast.

**23. gr.**

Nánari ákvæði um viðhald kirkna, kirkjuskoðun og eftirlit, svo og  
búnað þeirra og prýði, setur biskup í reglugerð, er ráðherra staðfestir.

**24. gr.**

Lögtaksréttur fylgir öllum þeim gjöldum, sem mælt er fyrir um í  
lögum þessum.

**25. gr.**

Brot gegn lögum þessum varða sektum 10—500 krónum, enda liggja  
eigi þyngri refsing við samkvæmt öðrum lögum, og renni þær í rikissjóð.

Mál, sem rísa út af lögum þessum, skal fara með sem almenn lög-  
reglumál.

**26. gr.**

Með lögum þessum eru úr gildi númerin lög nr. 22, 16. nóv. 1907, um um-  
sjón og fjárhald kirkna. Ennfremur eru afnumin öll ákvæði eldri laga, er  
koma í bága við lög þessi.